摘藻堂四庫全

書薈

要 经 部

欽定四庫全書替要經部

詳校官編修臣程嘉該

たこう 道不明乎善不誠乎身矣 欽定四庫全書養要卷二十二百六十經部 在下位不獲乎上民不可得而治矣獲乎上有道不信 禮記集說卷一百三十二 位治民也不明乎善不誠乎身言知善之為善乃能 鄭氏曰獲得也不獲乎上言臣不得於君則不得居 灰矣順乎親有道反諸身不誠不順乎親矣誠身有 文人不獲乎上矣信乎朋友有道不順乎親不信乎 禮紀任說 宋 衛是

言得輕但謂繼斯道者莫非善也不可謂惡伊川 行誠 精微無可得名且以至善目之繼之者善此言善却 孔氏曰此明為臣為人皆領誠信於身然後可也 這裏知此便是明善 又曰明善在明守善在誠 曰這一箇道理不為堯存不為祭亡只是人不道他 河南程氏曰此於至善不明乎善此言善者義理之 又曰人患事物緊累思慮敬固只是不得其要要在

藍田呂氏曰不得乎親不可以為人不順乎親不可 德未見其能進也故孟子曰不明乎善不誠其身易 濫無功明道又日學者必知所以入德不知所以 下之物皆能窮只是一理伊川又曰且省外事但明 乎善难進誠道其文章雖不中不遠矣所守不約泛 以為子則人之所以信於朋友者豈聲音笑貌為哉 知至至之 禮記集說

明善明善在乎格物窮理窮至於物理則漸久後天

內誠盡乎父母內行孚於家人則朋友者不期信而 乎上者德進而見忌功高而見疑身且不保尚何民 善而見信有功而見知所施於民者莫非善也不獲 信之矣故曰不順乎親不信乎朋友矣獲乎上者有 乎身美學至於誠身安往而不致其極哉以內則 建安游氏口欲誠其意先致其知故不明乎善不誠 乎親以外則信乎友以上則可以得君以下則可以 可治哉故曰不獲乎上民不可得而治矣 順

金

定匹庫全書 |

卷一百三十二

道也不信乎朋友則其善不足稱也己而欲獲乎上 道矣身不行道不行於妻子況能順其親子故順乎 不亦難乎不獲乎上則身不能保況欲治其民乎不 親心先於誠身不順乎親則於其所厚者簿也況於 道也故欲誠乎身必先於明善不誠乎身則身不行 朋友子故欲信乎朋友必先順乎親夫責善朋友之 得民此舜之名塞所以五典克從也 延平楊氏曰不明乎善雖欲擇之固執之未必當於

豐巴美名

釤 我非自外得及諸身而已 有則凡形色具於吾身者無非物也而各有則馬反 身而誠則舉天下之物在我矣詩曰天生烝民有物 可得也 在格物號物之多至於萬則物盖有不可勝窮者反 推言素定之意反諸身不誠謂反求諸身而所存所 新安米氏曰此第二十章第五節此又以在下位者 定匹庫全書 一 而求之則天下之理得矣 又曰反身者反求諸身也盖萬物皆備於 卷一百三十二 又曰明善在致知致知

欽 定四 盖不信乎友則志行不孚而 獲乎上又不可以諛說取容也其道在信乎友而 發未能真實而無妄也不明乎善謂未能察於人心 天命之本然而真知至善之所在也夫在下位而 狼乎上則無以安其位而 行其志故民不可治然 巴盖不悅子親 信然欲 欲信乎友又不可以便佞苟合也其道在悅乎 庫全書 順子親又不可以阿意曲從也其道在 則 禮記集說 所厚者簿而無所不簿故友 名譽不聞故上不見 欲 上口 不

敬之實故親 子身而已盖反身不誠則外有事親之理而 能 知至善之所在則好善必不能 強 此 道 身擇之之明則大學所謂 為也其道在明乎善而已盖不能 如惡惡臭雖 擇善固執者繼之盖擇善所以 必然之理也故夫子言此而其下文即以天道 不見 欲 悦然則 勉馬以誠其身而身不可 欲 誠乎身又不可以襲 物 如 格 好 而知至也執之之 明善固 格 好色惡惡心不 物 致 得 内無爱 知以 執 所 而 真 誠

E

欴 亦一以貫之而無遺矣又曰此章之說雖多然亦 獲上治民將無所施而不利而達道達德九經凡事 定日事全書 大得失唯楊氏反身之說為未安耳盖反身而誠者 **固則大學所謂意誠而心正身修也知至則反諸** 者將無一毫之不實意誠心正而修身則順親信友 之殊耳若知有未至則反之而不誠者多矣安得直 謂如惡惡臭如好好色而其所行自無內外隐微 格 知至而反之於身則所明之善無不實有如前 禮記集說 五 無 身

馬温公議儀秦處說立天下之正位行天下之大道 知在格物一句蘇子由古史論舉中庸不獲乎上後 備 謂但能反求諸身則不待求之於外而萬物之理皆 却不說居天下之廣居看得這樣都是箇無頭學問 各求其理今乃反欲離去事物而專務求之於身尤 大學之本意矣 不說不明乎善不誠乎身二句這两箇好做對司 於我而無不誠哉況格物之功正在即事即物而 又曰原道中舉大學却不說致

k 廣安游氏曰此言為人輔相佐其君治天下之道也 所為善則親喜悅所為不善則親愧辱故不能以至 友肯信之乎順親有道當以至誠自持其身何者凡 2) 信 誠身之道當明於善而固執之然後可以誠身矣 治 自持則不順其親矣事有善惡若誠於惡則失所 况可取信於君子閨門之內其親且未能 朋友信之然後聲譽聞達可以取信於上朋 Li dua I 禮記集說 順 朋

海陵胡氏曰必先得上之信任然後道得以行民得

爵禄以為賞用君之刀鋸以為罰生殺進退皆得專 天子之相名為人臣實行君之事治君之民用君之 周公不為名公所說則周公以為爱求所以釋名公 之此之謂掌相之事不如此不可以為政然必得其 信於鮑叔而獲乎桓公子產見信於子皮而獲於鄭 之意而作君與召公既說周公獲乎成王矣管仲見 四岳而後獲乎竟禹之道信於契畢陶然後獲於舜 君然後可以如此然獲乎上必信乎友舜之道信於

金

灾四届台灣

卷一百三十二

とこ) 伯古之人臣莫不如此然不順乎親則不能信乎朋 下見信乎禹稷契鼻陶其道盖出於此順乎親又必 所以事竟事君不敬其君者也舜為堯相上獲乎堯 可以治天下此章所言全以舜為法故曰不以舜之 友盖君子之道自內以及外自近以及遠於其親 '諸身舜之事親正如此瞽叟不豫常反求諸已負 引恩終至於瞽叟亦名若志誠感神此順乎親必 順 況能及他人乎孟子論舜專言其得乎親而). J., | | | | | 禮記集說 後 而

直言正諫豈足以獲於上甚者乃云我能取信自然 東菜呂氏曰此段盖自京至本居下者固欲有復於 庸則不能誠身矣 明乎善則下不知人上不知天而不得中庸不得中 大智也與舜好問而好察通言此則舜之明善也不 亦本於此孟子曰舜明於底物察於人倫記曰舜其 上不知所以獲者自有道學跟曲奉豈足以獲於上 反身以誠而後可也誠身有道必明乎善舜之誠身 金

灾匹庫全書 |

灾 獲於上不知其平日之心不誠信安能一旦為誠 自 即日年在前 須是平日見信然後可故曰不信於友不獲乎上矣 雖 解故曰及身不誠不悅於親矣此童一句緊一句 親又須是出於誠誠者乃與生俱生固結而不 有道非三姓五門為足悅親須是承顏順色方為 於友者又須是能悅親 君子則不能掩故曰不悅於親不信於友矣悅 有誠信而非發之於內常時固可遮藏偶然遇 禮記集稅 如不能悅親於朋友交際 能

併前都差如行九十九里忽差路頭則都不濟事此 理然有時又差了盖雖到九分九釐盡有一毫差則 今之人其於事親從兄事上交友之際固有時乎中 范陽張氏曰人性皆善特吾學非其道而世無師友 損 子所以相繼者亦不過明善於明善之外更無所 以要明善明善要明得盡 漸入来盖明善乃理之極雖堯舜禹湯文武周公 Ĺ 故曰不明乎善不誠乎身矣止是要從近處看 卷一百三十二

次至日年 · 事親則吾親感動而無不悅以此交朋友則朋友感 萬事無不窮其原流窮其終始窮之至於極盡之地 之不獲朋友之不信親之不悅獨憂身之不誠善之 動而無不信以此事上則在上感動而無不獲以此 治民則天下感動而無不治是故不憂民之不治上 人欲既盡一旦豁然則惟善昭昭無可疑矣此所 以指示之耳使吾知格物致知之學內而一念外而 日克已天下歸仁馬故誠之為用無不感動以此 禮記集說 謂

我矣又曰仁人之安宅也義人之正路也曰萬物皆 備 新定顧氏曰所謂善者何如哉孟子曰萬物皆備於 皆已總攝乎此矣 有萬下而此善無萬下事物有變遷而此善無變遷 之生於本根是故事物有大小而此善無大小事物 也窮天地亘萬世所謂事物皆於是乎出譬如枝葉 不明耳使明乎善則吾身吾親吾友吾君吾民之機 稱其善也回安宅曰正路喻其善也善之為言美 を一百三十二

た 事物有彼此而此善無彼此非有氣也而氣皆於此 2 事物莫之能及也故謂之善伏犧之為易竟舜禹之 能祭是謂正路有居馬而人莫能移是謂安宅不疾 乎出非有形也而形皆於此乎生故有行馬而人莫 末以為上天之載異時孟子又明之以仁義亦惟此 而速不行而至自得於我無羨於彼是謂萬物皆備 思子之為是書始明之以天命之性中目之以至 傅以中箕子之言皇極孔子之言仁惟此善也子 do de To 禮記集說

大田屋 白雪 善也能明此善則知身果不可以不 晉陵喻氏曰夫子之教曰出則事公卿入則事父兄 其 形夫子其知之矣故以是垂教馬其事君盡禮人至 得君行道為已住無孔子之德行而不敢自信 有過於孔子哉盖其於天下無孔子皇皇之心不 子不翅千萬也而天下之人莫有疑其諂佞 公卿乃與事父兄等逮德下衰士或以事公卿為 諂 其 拪 栖 於行道人至以 卷一百三十 為 佞後世之君子視 誠 者是

鉒

乎道之不行而斯民之不受賜也安得以孔子中庸 之道告之 吴與沈氏曰上既言事豫則立至道前定則不窮之 取 延平周氏曰信乎朋友是內足以自信 止於信而漆 而改者也如此則夫諂佞之譏又無疑哉噫無怪 信此上之所以獲而民可得而治也故孔子之教 雕開之學亦主於信 堂已其名 而外則 <u>}</u> 足以

孔子之母我而不能忘其已私故終於置聞然無翻

釭 身 定四庫 萌 子思欲 此 簽之時即 則一性之間無一毫人偽皆天 復中以明善 必獲乎上以之在上位 則失先見之明而善不復見矣惟 謂 全書 以之事 豫 也 理 事 明而事 性之至善自 親 而 推 明 則 不為物 切故 而至於民可得 順 以之交 本自 諄諄反覆言之能 則 感 別性善明矣明乎 必得乎民無所 朋 根無昏迷之間人偽 理 友 之自 則 而 治盖一 信 於喜怒哀樂 然以之 νX 明子善 之 理 在 而 F

學之審問之慎思之明辨之為行之有弗學學之弗能 文 措 弗 愚必明雖柔必強 也人一能之已百之人十能之己十之果能此道矣雖 而得從容中道聖人也誠之者擇善而固執之者也博 色日年 措也有弗問問之弗如弗措也有弗思思之弗得弗 也有弗辩辨之弗明弗措也有弗行行之弗為弗 者天之道也誠之者人之道也誠者不勉而中不思 A data 禮記祭說 +

不當矣

置 道聖人是矣有弗學學之弗能弗措也謂身有事不 者擇善而固執之事鄭注大至誠則經云誠者天之 身說有大至誠果能此道矣雖愚必明雖柔必強勸 鄭氏曰言誠者天性也誠之者學而誠之者也因誠 孔氏曰此經明至誠之道自博學之以下申明誠之 人學誠其身也果猶決也 必待能之乃已也以下諸事皆然 常學習須勤力學之措置也言學不至於能則不 1 1 1 卷一百三十二

二 元事誠之通利貞誠之復大哉易也性命之源乎 也故曰一陰一陽之謂道繼之者善也成之者性也 濂溪周氏曰誠者聖人之本大哉乾元萬物資始誠 ع 9 之源也乾道變化各正性命誠斯立馬純粹至善者 又日聖人誠而已矣誠五常之本百行之源也静無 故誠則無事矣至易而行難果而確無難馬故曰 動有至正而明達也五常百行非誠非也邪暗塞 日克已復禮天下歸仁焉 过 4 点 禮記集說 土

常中不思而得即常得所謂從容中道者指他人所 先生先生云云 邦直云不欺之謂誠便以不欺為誠徐仲車云不息 河南程氏曰無妄之謂誠不欺其次矣 四月石門 謂 思 者用也敬則 敬 而得何止有差等直是相去懸絕不勉而中 則有意在 又曰不勉而中不思而得與勉 誠中庸言至誠無息非以無息解誠也或以問 誠明 又曰誠者天之道敬者人事之本 卷一百三十二 Ö 又曰主一之謂敬一者之 一本云李 調 而

定四車全書 為須用勉強至於知穿窬不可為則不待勉強是知 問致知與力行無否曰為常人言幾知得非禮不可 氣象不可以於名上理會如此只是講論文字伊 自得學者不學聖人則已欲學之須熟玩味聖人之 相 思者所謂日月至馬與久而不息者所見規奏雖客 中不勉不思亦有大小深沒至於曲藝亦有不勉不 見言之若不勉不思者自在道上行又何必言中不 似其意味氣象迎別須心潛點識玩索久之無樂 禮記其花

欽

+ 20

而 當至之知終則當遂終之須以知為本知之深則 烏喙人不蹈水火只是如人為不善只為不知 勉而中不思而得此又上一等事母川 為 亦 之必至無有知之而不能行只是知得浅饑而不食 去口 循 不樂何苦而不循 有浅深也古人言樂循 至之知之事故可與幾知終而終之故可與存義 理 非是樂也幾到樂時便是循理為樂不循 理自不須勉強也若夫聖人 理 謂之君子若勉強只是 又曰知至 失口 理 行

眀 之不可專守著這一事盖人之知識於這裏嵌著雖 久後睿自然生若於一事上思未得且別換一事思 初有渾水久後稍引動得清者出来人思慮始皆 思亦不通也伊川 辨為行五者發其一非學也 終條 `行便是終之如始條理終條理因其能始條理 理猶知至即能終之 堂巴集死 又曰思曰睿睿作聖致思如 又曰博學審問慎思 又曰思曰睿思慮 5 掘 故

知至是致知博學明辨審問慎思旨

隅

知至之事

鉑 其得易失然而學者有無思無慮而得者何也曰以 慮為不思而自以為得者未之有也 爭道及公孫大娘舞級而後悟筆法是心常思念至 定四庫全書 無思無慮而得者乃所以深思而得之也以無思無 此而感發否曰然須是思方有感悟處若不思怎生 溷濁久自明快 伊 伊川 如此然可惜張旭留心於書移此心於道何所不 又曰不深思則不能造於道不深思而得 11] 卷一百三十二 問張地學草書見擔夫與公主 問人有日 者 誦

性遇乃適然馬人一己百人十己千然有不至猶 以心求道正猶以已知人終不若彼自知彼為不思 萬言或妙絕技藝此可學否曰不可大凡所受之才 除是積學既久自能變得氣質則愚必明柔必 得也 性可以言氣行同報異猶難言命可以言遇 渠張氏曰勉盖未能安也思盖未能有也 加勉強止可少進而鈍者不可使利也唯理可進 dula 1 又曰性通極於無氣其一物耳命禀同於 禮記集院 ナ六一 強 難 日

文 E

Ē <u>-</u>

思其中其得自然而已聖人誠一於天天即聖人聖 合符節是乃所謂誠 萬古人心物理皆所同然有一無二雖前聖後聖 藍田呂氏曰誠者理之實然致一而不易者也天下 氣質之性君子有弗性者馬 曰形而後有氣質之性善反之則天地之性存馬故 即天由仁義行何思勉之有故從容中道而不 之者以人求天者也思誠而復之故明有未究於 r Ji 卷一百三十二 誠即天道也天道自然無勉無 迫

次足日奉公告 1 去學問思辨所以求之也行所以至之也求之至非人一 善必擇該有未至所執必固善不擇道不精執不固德將 者也誠之者人之道反之者也聖人之於天道性之者 然何勉何思莫非性命之理而已故誠者天之道性之 是非人私知之所能為此之謂誠誠即天道也天道自 理皆所同然有一無二雖前聖後聖若合符節理本如 已百人十已千不足以化氣質 一本云誠者理之實致 而不可易者也大而天下遠而萬古求之人情參之物 禮記集號 ナセ

也賢者之於天道反之者也性之者成性與天無問也 思而擇德不可不勉而執不如是猶不足以至乎誠故 未至雖誠而猶雜之偽雖行而未能無息則善不可不 從容不迫不待乎思勉而後中也反之者求復乎性而 天即聖人聖人即天從心所欲由仁義行也出於自然 約則不可不學學而不能無疑則不可不問未至於 而通之則不可不思欲知是非邪正之别本未先後 問思辨皆所以求之也行所以至之也君子将以造 卷一百三十二

たこり 則多聞多見徒足以飾口耳而已語誠則未也故曰 學以聚之聚不博則約不可得博學而詳說之將 有弗學學之弗能弗措也學者不欲進則已欲進 進大疑必大進盖疑不安於故而進於新者也顏 不可以有成心有成心則不可與進乎道矣故成心 之序則不可不辨欲至乎道欲成乎德則不可不行 說約也為學之道造約為功約即誠也不能至是 則 自處以不疑成心亡然後知所疑矣小疑必小 As date 1 禮記集說

學為孔子而未得者也故疑之仰之獨高錯之獨坚 鄉 瞻之在前忽馬在後皆疑辭也孟子學為舜而未得 以為命反之於我何物也知所以名仁知所以 反諸身則學問聞見非吾事也故知所以為性 故疑之舜為法於天下可傳於後世我猶未免為 也求之外者也聞也見也得之外者不致吾思 追就禦馬故曰有弗問問之弗知弗措也學 疑辭也所謂疑者患乎未知也如問之審審

盆

芡

四月全書

百三十二

弗明弗措也四者致知之道而未及乎行也學而行之 則由是以至於誠無疑矣知崇者所以致吾知也禮申 則不明非精義入神不足以致用故曰有弗辨辨之 失其時則垂不可不辨也辨之者不别則不見不講 不宜時有可不可道雖美矣膠於理則亂誠雖至矣 乃所謂誠也故曰有弗思思之弗得弗措也理有宜 其所以思必至於得而後已則學問聞見皆非外樂是 義及之於我何事也故曰思則得之不思則弗得也慎 豊己美元

一 新定四庫全書 者所以寫吾行也學之博者莫若知之之要知之要 言而喻也如日月之運行不可得而已也寫之猶有 者不若行之之實也行之之實循目之視耳之聽不 氣質則雖有志於善而柔不能立愚不能明盖均善 勝氣質則柔者可進於強愚者可進於明不能勝 己千之者君子所貴乎學者為能變化氣質而已德 有弗行行之弗為弗措也人一能之已百之人十能之 勉也為之至於誠則不勉矣行之弗為猶未誠也故曰

た 尚志以天下之士為未足則尚論古之人雖質之柔 E 1 也孟子曰居移氣養移體況學問之益乎故學至於 復所以及其同也人一已百人十己十所以發其異 也以不美之質求變而美非百倍其功不足以致之 雖質之愚而不明者寡矣大愚柔之質質之不美者 而不立者寡矣學至於致知格物則天下之理斯得 也人所異也誠之者反其同而變其異也思誠而求 而無惡者性也人所同也昏明強弱之禀不齊者才 int do do I 禮記集說

是謂專一實理則如惡惡臭如好好色不是安排来 日學者且須是窮理物物皆有理窮理則能知天之 為不仁之甚矣 所為知天之所為則與天為一與天為一無往而非 不能瘦則曰天質不美非學所能變是果於自棄其 今以鹵莽滅裂之學或作或報以求變不美之質及 上蔡謝氏曰誠是實理不是專一尋常人謂至誠止 四月百十 又曰誠是無虧欠忠是實有之理忠近於誠 卷一百三十二

本歟 大者理一而已一處理窮觸處者皆通恕其窮理之 恩而得從容中道曰理必物物而窮之乎曰必窮其 我何者為我理便是我窮理之至自然不勉而中不 不移而此曰雖愚必明何也曰天地之性一而已為 誠之者異而已其歸無二致也孔子曰上智與下愚 延平楊氏曰道一也有天人之辨賢聖之别者誠與 理也窮理則是尋箇是處有我不能窮理人誰識真 遭犯具充

鉗 氣質之性君子不謂之性也若夫學之而弗能問之 定匹库全 書 上智為下愚氣禀異也故善反之則天地之性存馬 庸言其至也盖中庸子思傳道之書不正言其至則 弗知思之而弗得辨之而弗明行之而弗為而遂 而追德之事莫非誠也論語示人以入之之方中 馬不知人一能之已百之人十能之己十之則是 者之不移也尚何明之有中庸只論誠而 誠何也論語之教人凡言忠信恭敬所以求 老一百三十二 論 曾

之已百之人十能之己千之則又因而學之者也果 也誠之者人之道學而知之湯武及之者是也誠者 河東侯氏曰誠者天之道生而知之堯舜性之者是 天之道聖人人倫之至化而無跡從容中道思勉 輕為行之擇善者也弗能弗知弗得弗明弗為弗 言也誠之者擇善而固執之者也博學審問慎思 而固執之者也所謂勉而中思而得者也人一能 遭犯集死

道不明孔子所罕言孟子常言之亦循是矣

鉑 能比道則愚必明柔必強曲能有誠也竟舜性仁無 定匹庫全書 熟庶可也誠者天之道只於聖人分上言之猶未盡 誠之益必須自得仍於天道人道上分别得從容處 新安朱氏曰此第二十章第六節承上文誠身而言 方見誠與誠之者不同若只恁地說過亦不濟事 勉也與人一己百人十己千相去甚遠學者若於 有所得則氣味深長不可放過潛心力久玩味絕 而不中不必更言中不中由仁義行者也不待乎 卷一百三十二

實無安而欲其真實無安之謂人事之當然也聖人 亦天之道也未至於聖則不能無人欲之私而其為 所謂人之道也不思而得生知也不勉而中安行 明善未能不勉而中則必固執然後可以誠身此則 之德渾然天理真實無妄不待思勉而從容中道則 擇善學知以下之事固執利行以下之事也學問思 不能皆實故未能不思而得則必擇善然後可以 聖己未光

誠者真實無妄之謂天理之本然也誠之者未能真

學不為則已為則必要其成故常百倍其功此因而 其所傳之一致舉而措之亦猶是耳盖包實隐兼小 仁利而行也此誠之之目也有弗學而下言君子之 篇之極紐也又案孔子家語亦載此章而其文尤 勉而行者也勇之事也明者擇善之功強者固 所 以終十二章之意章內語誠 以擇善而為知學而知也為行所以固執而為 此章引孔子之言以繼大舜文武周公之緒明 始詳而所 誠者實

蚠

定四庫全書

た 詳成功一也之下有公曰子之言美矣至矣寡人實 之大小而皆有取乎真實無妄之意耳盖以自然之 真實無妄之云也若事理之得此名則亦随其所指 義其詳可得而聞乎曰難言也好以其名義言之則 無之意彼有關文抑此或子思所補 固不足以成之也故其下復以子曰起答解今無此 而所刪有不盡者今當為行文也博學之以下家語 詞而猶有子曰二字盖子思則其繁文以附于篇 Li dato T 禮記集說 或問誠之為 古四

得 實者何也曰一則統二則雜 未始不在於實也曰然則 之實亦誠也是其大小雖有不同然其義之所歸 理言之則天地之間唯天理為至實而無妄故天理 之名若所謂 有生之類唯聖人之心為至實而無妄故聖人得 誠之名若所 而言則一念之實亦誠也一言之實亦誠也一行 謂天之道鬼神之德是也以德言之 不勉而中不思而得者是也至於随 老一百三十二 天理聖人之所以若是其 紀則誠雜則妄此常物 则

夏晝夜昏明百千萬年未當有以息之盖天下之 以氣質之偏口具耳目四肢之好得以蔽之而私 之也是以無聲無臭無思無為而一元之氣春秋冬 該無所不具然其為體則一而已矣未始有物以 之大情也夫天之所以為天也沖漠無朕而萬理無 也若夫人物之生性命之正固亦莫非天理之實但 而未當有一毫之差此天理之所以為實而不妄 織巨細飛潛動植亦莫不各得其性命之正以生 J. 415 1 禮記集說 孟 物 雜

金 灾 生馬是以當其惻隐之發而忮害雜之則所以為仁 者有不實矣當其羞惡之發而貪昧雜之則所以為 裏皆仁而無一毫之不仁義則表裏皆義而無一毫 清純渾然天理初無人欲之私以病之是以仁則表 墮於小人之歸則以其二者雜之故也唯聖人氣質 內外隐顯常不免於二致其甚至於訴偽欺因而卒 之不義其為徳也固舉天下之善而無一事之或遺 四月百十 者有不實矣此常人之心所以雖欲勉於為善而

灾 O 巴日華白書 而其為善也又極天下之實而無一毫之不滿此其 固己言之亦曰擇善而固執之耳夫於天下之事 不 不 有以知其 然則常人未免於私欲無以實其德者奈何曰聖 固執之功雖其不睹不聞之間亦必戒慎恐懼 敢 能不去則為善去惡之心固已寫矣於是而又 不勉不思從容中道而動容周旋莫不中禮也 懈 则 凡所謂 如是為善而不能不為知其如是為 禮記集說 私欲者出而無所施於外入 主大

大學論小人之陰惡陽善而以誠於中者目之何 無所藏於中自將消磨混滅不得以為吾之病而 之德又何患於不實哉是則所謂誠之者也曰然則 曰若是者自其天理之大體觀之則其為善也誠 得不謂之誠哉但非天理真實無妄之本然則其 自其人欲之私分觀之則其為惡也何實如之而 也適所以虚其本然之善而反為不誠耳 又曰 說周子至矣其上章以天道言其下章以人道言 卷一百三十二 虚 吾

愚於通書之說亦既器言之矣程子無妄之云至矣 乎曰學之博然後有以 之是非得失不能出乎此矣 其他說亦各有所發明讀者深玩而默識馬則諸家 有 反復之以發其端而可思思之謹則精而 所 所 一疑而有問問之審然後有以盡師友之情故 自 疑惑而可以見於行行之篇則凡所學問思辨 得而可以施其辨辨之明則 禮記集完 備事物之理故能祭伍之以 口學問思辨亦有序 斷而不差故 不 雜 故 能 能 能

金鱼 定匹庫全書 必欲無一理之不通無一事之不能故不可以不學 詳實然深考之則亦未免乎有病盖君子之於天下 則不可以不問而其問也或粗暴而不審則其疑不 深造乎約而一以貫之非其博學之初已有造約之 而其學不可以不博及其積累而貫通馬然後有以 序也日召氏之說之詳不亦善乎曰呂氏之說最為 而得之者又皆必踐其實而不為空言矣此五者之 心而姑從事於博以為之地也至於學而不能無疑

ここり 其思也或大多而不專則亦泛濫而無益或大深而 審之說也學也問也得於外者也若專侍此而不反之 必貴於能慎非獨為反之於身知其為何事何物 不止則又過苦而有傷皆非思之善也故其思也又 曰成心亡而後可進則是疑之說也非疑而問 必思索以精之然後心與理熟而彼此為一然使 驗其實則察之不精信之不為而守之不固矣). I'm 禮記集說 文 而 而

能盡決而與不問無以異矣故問之不可以不審或

灾匹 實 之實用而教也者又因其體用之實而品節之也不 天命云者實理之原也性其在物之實體道其當然 可離者此理之實也隐之見微之顯實之存亡而不 已也其餘則皆得之而所論變化氣質者尤有功也 育则 掩者也戒慎恐懼而慎其獨馬所以實乎此理 曰何以言誠為此篇之極 月を言 ·所以極 和云者所以狀此實理之體用也天地位 此實理之功效也中庸云者實理 卷一百三 紐也曰誠者實而已矣

たこう きょう 武周公之事孔子之言皆實理應用之當然而鬼神 也必期於實者人而天也誠明以下累章之意皆所 充滿夫豈無實而有是哉不遠人以下至於大舜文 費而隐者言實理之用廣而體微也為飛魚躍流動 欲其必以其實而無一毫之偽也盖自然而實者天 其無一毫之不實而至於如此之盛其示人人也亦 之不可掩則又其發見之所以然也聖人於此固 適可而平常者也過與不及不見實理而妄行者也 禮記集成

其言雖多而其樞紐不外乎誠之一言也嗚呼深哉 實乎此之序也時靡有爭變也百碎刑之化也無聲 迆 指專以發明實理之本然欲人之實此理而無妄故 無臭又極乎天命之性實理之原而言也盖此篇大 云又本其務實之初心而言也內省者慎獨克已之 以反覆乎此而其所以至於正大經而立大本參天 功不愧屋漏者戒慎恐懼而無已可克之事皆所以 而赞化育則亦真實無妄之極功也卒章尚絅 卷一百三十二

Ji.

たこう 實無妄之謂誠尤見分晓今人動以至誠两字加諸 毫之妄暑往則寒来日往則月来元亨利貞終始循 然之理上形容此一字忠信是就人用功夫上說 至誠乃真實極至無一毫不盡惟聖人可以當之如 北溪陳氏曰誠於忠信極相近須有分别誠是就自 何可容易加諸 人只成議恭敬謹之意不知誠者乃真實無妄之謂 說誠都差了伊川方云無妄之謂誠晦翁又謂真 ייבור לי ייניט וויין 禮記集說 又曰天道流行自古及今無 三十 後

與日月五星之運行驅度不差至於萬物之生一花 環萬古常然又如天行一日一夜一週而又過 良知良能不待安排又如作見孺子將入井便有水 流行付予於人在吾身日用常常流行發見但人不 道理此所謂其物不貳則生物不測就人倫則實理 陽之心至行道乞人饑餓瀕死而蹴爾嗟来之食乃 察耳如孩提之童無不知爱親敬兄無非實理發見 葉文縷相等對自古至今無一毫差錯盡是真實 卷一百三十二

誠之為貴誠之者人之道此皆就做工夫上論要得真 體整實固誠也一言一行之實亦誠也 又曰君子 實無妄 實處及就人做工夫處論則只是態實不欺之理全 聖人不以天廢人擇善而固執之者人也而賢人必 延平周氏日不勉而中不思而得從容中道天也而 豊巴集光

之人物欲昏蔽良心之實終不可珍皆天理流行真

不屑就此皆降東東桑真實道理自然發見雖極惡





之於人而又求之於已者善學者也愚之對者知而 思之思而有所未得則鲜之既辨矣然後行之盖求 不止乎知而必至於明者言其才則柔不止於剛 不言知柔之對者剛而不言剛何也盖言其性則愚 以人助天學而有所未能則問之問而有所未知則 炭匹庫全書 **■** 出 必為強者也何以言之莊周當謂使知者求之不得 於剛是剛對強為次 後使明者求之是明對知為重鼻陶之九德則 強 而

金

卷一百三十二

欴 善擇之不精講之不詳故至於此故曰博學之審 定四車全書 陷於不善者其意皆以善為之而不知其義心非 憂之作春秋以明至善之歸以為當世之人其所 大體楚子發是也若此者各自以其所見為善孔子 為義而害於人倫於陵仲子是也自以為康而害於 首息是也自以為仁而陷於不仁宋襄公是也自以 為孝而陷於不孝申生是也自以為忠而陷於不忠 廣安游氏日春秋以来人各以意之所見為善自以 禮記集說 圭

范陽 而易以有毫釐之差也 至善也學之問之辨之行之而弗惜凡以善之難 之慎思之明辨之寫行之凡此者皆所以精釋之 行自然之理也怠慢之心常起於無味有志之士常 求明乎至善也人一已百人十己干皆所以求至乎 謂善者未必善而執者非所當執也學必有疑 必問問而未喻必思思之至深必辨辨之已徹 張氏曰欲擇善固執不由學問思辨寫行中求 卷一百三十二 疑 ルス 必

:) 者 弗 施 誠之者成之於人使然而 不 氏曰自然 強 者也的加學問唇氣自除愚者明矣懦氣自去柔 措於可措此所以不畏天資之愚而畏怠情而 į 天自然 思 相 矣愚懦者尚可進道况秀艾之士哉). 1: \ \ あ 天 得 而 ٢ あ 動 而 狱、 則 然謂之天使然而然 アス 合 天合天 者也故言天之道則以天合天 禮記集說 道 而已此人之所以 則 無事於 秋、 者也故言人之道 有為故 謂之人誠者 聖也以 不 勉 得 則 自 而

見 あ 造其所無而 思 <u>ٽ'</u> 相 不 繼 不 理 可 パ 天 . 精 剛 则 項氏曰學所未 明 バス 之 庄 パス 失然後 其義 则 不篤爲者力 假修為而 不足以 明 好 辨 改欲 其所 尖口 则 其所 固 後至 慎學之博矣而 Ę 減 執之者也 新 卷一 行 矣 見善不明 要 其 問 あ 百 所 勤 沂 此 至 + 则 未知思其所以然辨其 D. 而 有 學以窮 閲 而 行之則能 则 損 縊 理多矣思之慎 之以審 其 不足以擇善 所 其理 有 成 美 ဤ 問 故 此 欲 至 则 博 故 矣 用 则 Ц

盆

疠

E.

月

1

灾色日華全書 1 誠其意欲誠其意者先致其知致知在格物自大學 象山陸氏日欲修其身者先正其心欲正其心者先 心者精如是而後可以行矣 言之固先乎講明矣自中庸言之學之弗能問之弗 之欲其契於心辨之欲其合於道行之則為我有矣 所不然行其所當然 又曰學之於古問之於今思 知思之弗得辨之弗明則亦何所行哉未當學問思 又口學而又問則取於人者詳思而又辨則求於 禮記集筑 丰鱼

鬫 事盖未有無始而有終者講明之未至而徒恃其能 辨而曰吾唯篤行而已是冥行者也自孟子言之則 顧學拘儒瞽生又安可以其確經之必為而傲知學 卓異践履之統為如伊尹之任伯夷之清柳下惠之 吾能至於百步之外而不計其未當中也故曰其至 力行是猶射者不習於放法之巧而徒恃其有力謂 不思不勉從容而然可以謂之聖矣而顧有所不 力也其中非爾力也講明有所未至則雖才質之

卷一百三十二

東至日華 · 之士哉 智是也人之道,顏子之奉奉服膺是也子思又以誠 釐之辨耳夫誠一也有即事而誠當機而會所謂天 其目曰誠命名雖有不同其出於性則一也特有毫 性也中庸之說其始曰性其中曰中及其終也又變 之道也有因學問而後明人之道也天之道舜之大 吳與沈氏曰性一也語其無所不在則曰道語其有 而未形則曰中語其真實而明妙則曰誠其歸皆 禮記集說 丰五

盖必然之理果者决也決然能是道者也 能之十能之此其性之利者也性之鈍者勿苦其難 宓氏曰人之禀性有利有此故其得道有易有難一 中道其歸一揆也故人一已百人十己十果能此道 之者之事必待夫指入之路學問思辨與行以下是 思明辨為行之力至於有所措則至夫誠矣與從容 所當安之義也知夫誠之所在則得夫博學審問懷 也易曰舉而措之又曰禮義有所措措之為言處其

卷一

百三十二

文 巴 日 年 4 日 晏氏曰非見善明者不能擇善非用心剛者不能 雲川倪氏曰天性唇愚求變而為賢明非百倍其功 知之或學而知之或因而知之及其知之一也或安 里也果能此道矣雖愚必明雖柔必強所謂或生而 不足以致之然必立志之堅然後可 而行之或利而行之或勉強而行之及其成功一 已當十以及之盖騏驥一日十里駕馬十傷亦將十 而自棄也他人一能之己當百以及之他人十能之 禮記集就 幸六 固

者 其意古明辨者辨白其是非所以內資諸已也資 人者既 為行之則非尚知之亦允蹈之也易曰學以聚 府而弗失之是也博學者學之廣欲其強記審 問之詳欲其多聞所以外資諸人也慎思者精 唯賢者然後能此顏 之而卒於不倦以終之與此同 Ĺ 辨之而終於仁以行之楊子曰學以治之思 致其廣大資諸已者又盡其精微然後繼之 卷一百三十二 湖擇乎中庸得一善則奉奉 意 諧 問 思

自誠明謂之性自明誠謂之教誠則明矣明則誠矣 蔡氏曰不勉而中不思而得先言仁後言智擇善而 由明德而有至誠是賢人學以誠之也有至誠則必 不亂 鄭氏曰自由也由至誠而有明徳是聖人之性者也 固執之先言智後言仁亦可見聖人君子之德闕 有 之事也 明徳 又曰雖愚必明求智之事也雖柔必強求仁 有明德則必有至誠 選紀集化 季七 而

用 又曰君子之學必先明諸心知所往然後力行以求 其內者得之而無於外者謂之誠誠與明一 河 孔氏曰此一 南 所 则 為行如鄉黨之所載者自 其性 謂 程 相 氏曰自其外者學之而得於內者謂之明 通 自 則反而誠之聖人也伊 眀 而 經 顧天性至誠或學而能兩者雖異功 誠也故學必盡其心盡其心則 誠 11) 而 明 又日孔子之 也由 也伊 鄉 知 自)1]

鱼灰匹

庫全書

卷一百三+

性 纵 横 自 恐過當回由明以至誠此句却是由誠以至明則不 所載而學之以至於孔子者自明而誠也及其至馬 性 誠 渠張氏曰自 也謂先從學問理會以推達於天性也 田呂氏曰自誠明性之者也自明誠及之者也性 即 伊川 理會来以至於理自明誠者先窮理以至於盡). J.,] 明 也 問 横 誠明者先盡性以至于窮理也謂 渠言由明以至誠由誠以至明此 禮紀祭光 ミナハー 言 先

言聖人之教也一本云謂之性者生之所固有以得 之者自成德而言聖人之所性也反之者自志學而 建安游氏曰自誠明由中出也故可名於性自明誠 簡至易行其所無事此之謂明則 如不言而喻此之謂誠則明志學者致知以窮天下 之謂之教者由學以復之成德者至於實然不易之 理則天下之理皆得卒亦至於實然不易之地至 理義皆由此出也天下之理如目睹耳聞不慮而

金

定匹庫全書 |

誠人之道也故謂之教天人一道而心之所至有差 甲 其成功一也豈不信哉 馬其歸則無一致也故曰誠則明矣明則誠矣 自外入也故可名於教誠者因性故無不明明者致 新安朱氏曰此第二十一章子思承上章夫子天道 延平楊氏曰自誠而明天之道也故謂之性自明而 雖愚必明况其本智于雖柔必強况其本剛乎及 故能有誠學不可以已加之誠意而已其誠不息 豊にまえ E + 111

歃 其以內外道行為誠明似不親切唯先明諸心一條 定四庫全書 其立言本意之所以失也其曰誠即明也恐亦不能 品第故有由誠至明語程子之辨雖已得之然未完 矣張子盖以性敬分為學之两逢而不以論聖賢之 而夫子之手筆也亦可以見彼記録者之不能無失 以反覆推明此章之意 程于諸說皆學者所傳録 人道之意而立言也自此以下十二章皆子思之言 知語明以行語誠為得其訓乃顏子好學論中語

文 則 田田田 至 無誤呂氏性教二字得之而於誠字以至簡至易行 棄山郭氏曰自誠明謂之性由性以誠也自明誠 過於将楊則遠矣 之之事而不易云者亦非所以申實然之說也然其 其所無事為說則似未得其本古也且於性教旨以 敢由教以誠也本乎性故有生知由乎教故非學 一於實然不易之地為言則至於云者非所以言性 不得也率性之謂道自誠而言之也不明乎善不 È 45 禮記集說 四十

ĭ 髙 之性 善此賢者修聖人之教也所禀賦 誠 使人知所至之處也夫唯未極 要 ľ 所不 其 乎身自明 水司馬氏曰率由 也由智 Ji. 譚氏曰夫唯已極 誠心則智 大口 故曰自 識之明 而言之也明之與誠及其成功一也 識無不明 誠 卷一百三十二 求知道者莫若至誠故誠心為 誠心而智 明 謂之性 其至無 矣 沂 識 謂 用カ 自明 其至項先用 於天有殊然的能 之性云者 此天授聖人 故六 通四 指 力 性 嗣 示


Ė 出 道 则 用 定顔 矣謂之性者聖人之事 外復歸先須辨 明矣自明 自然開蘇明達如人安居本舍坐觀庶事故曰 此立教使人知脩習之方也自誠而明者性合 自 物始見本性故曰自明誠謂之教謂之教云者 1. 1. 氏曰所謂體乎天理無一毫之偽誠之謂 明 而 誠 而 誠 即 者先明乎善然後反身而誠 能自誠而明矣此相終始之說 認本舎然後入而居之故曰明 禮記集統 謂 之教者學以成聖之事 四十 如 則 誠


蔡氏曰言性教之道雖異而本末一貫也誠明謂無 事出乎天理之本然者也免舜性之此之謂也由明 誠矣晨光既升陰邪屛息太虚湛然 此賢人之事出乎教習之使然者也湯武反之盖其 知乎天理無一毫之敬明之謂也由誠而明資禀至 而誠講學既精灼見此理私欲克除復乎天理之真 粹人偽不萌則於天下之事理自無不知此聖人之 也誠則明矣譬如太虚纖翳不生萬象呈露明則

東西母在書

灾到每日前 道而備論之也 道與教與達德達道之事下以起聖人君子天人之 君子之德者即此義而推行之也 又曰自哀公問 息而仁智自著明誠謂由智仁而造無息下言聖人 政至明則誠矣盖夫子之言而子思述之上以結修 禮記集說 里

丘贝 禮記集說卷一百三十二 卷一百三十二 TRADE IN DE LA SE 第二十三頁後五行此章引孔子之言利本章部 第二十八頁前三行若專恃此而不反之心利本 第二十六頁後七行適所以虚其本然之善利本 謹案第十三頁後七行直是相去懸絕利本直部 言今改 耳今改 脱不字今增 所以訛以所今改





對官編

騰 録

褽

臣

胡

覆校官 編 修 修 臣 臣 許 項 兆 家 蓮 椿

欽定四庫全書替要 禮記集說卷一百三十三

詳校官編修臣程嘉謨

唯天下至誠為能盡其性能盡其性則能盡人之性能 欽定四庫全書管要卷二千二百六十 鄭氏曰贊助也育生也 禮記集說卷一百三十三 孔氏曰此明天性至誠聖人之道也 河南程氏曰盡已為忠盡物為信極言之則盡已者 化育可以赞天地之化育則可以與天地參,矣)性則能盡物之性能盡物之性則可以贊天地 J. 1., 1 豐记集汽 宋 經部 衛湜

盡已之性也盡物者盡物之性也信者無偽而已於 天性 誠可以替化育者可以回造化明道 之從盡其性至盡物之性然後可以對天地之化育 无妄動以天理故也又曰赞天地之化育自人而言 以與天地參矣言人盡性所造如是若只是至誠 止謂只是一理而天人所為各自有 有所 須 論所謂人者天地之心及天聰明自我民聰 損益則為偽矣易无妄曰天下雷行物 分 又曰至誠 又曰

鉗

定匹庫全書

卷一百三十

灾 E 實之然此只是指而示之近耳氣則只是氣更說甚 盡人盡物與天地參對化育贊則直養之而已 盡處便是天德處未能盡何緣知性知天盡已心則 充塞如化育則只是化育更說甚對對與充塞又早 曰凡言充塞云者却似箇有規摹底體面將這氣充 有一箇誠何助之有明道 先天而天弗違後天而奉天時之謂也非謂贊助只 以替天地之化育則可以與天地參替者參赞之義 Þ خ 4.5 禮記集就 又曰心具天德心有不

是至於命亦是失於大快此義儘有次序須是窮 横 性 便能盡得已之性即盡得已之性則 却是别一件事也 命儘有近遠豈可以知便謂之至也 須是窮理為先如此則方有學今言知命與至於 後至於天道也其間然有事豈有當下理會了學 既盡得人之性須是并萬物之性一齊盡得如此 果張氏曰二程解窮理盡性以至於命只窮理 月 生 干 | 伊 11 卷一百三十三 推 類又盡人之 便

故立必俱 ٽ، ئد ت 物之一源 天大無外 則 之道非聖人而能 天下無一物 而 於見聞之狭聖人之盡性不以見聞枯其心其 能 不 體 去ロ 、立知必周 非 故 順 天下之物 吾 有外之心不足以合天心又曰幽賛天 有我之得私也唯大人為能盡其道是 非我孟子謂盡心則 理者則亦末如之何矣 哉 是,一二 物 知爱必無爱成不獨成被自 詩人謂 有未體則心為有外世人之 后稷之牆有相 知 性 又曰大其 之道 パ 蔽 此

欽 盤 贊化育之一端 定四庫全書 質雖異其心之所然者皆同特敵有淺深故别而為 越子是吾生所有既一於理則理之所有皆吾性也 聖愚有所不異盡已之性則天下之性皆然故能盡 人受天地之中其生也具有天地之德柔強昏明之 人之性蔽有淺深故為唇明蔽有開塞故為人物禀 明禀有多寡故分而為強柔至於理之所同然雖 田呂氏曰至於實理之極則吾生之所固有者不 與

一致定四車全書! 之析因夷與鳥獸之等尾希華毛拖配毛無不與知 赞天地之化育者也如堯命義和欽若異天至於民 地之化幾矣故行其所無事順以養之而已是所謂 有多寡故為強柔禀有偏正故為人物故物之性與 物之性未有不能盡也人也物也莫不盡其性則天 之性者亦係乎此於人之性開塞偏正無所不盡則 正故才不若人之美然人有近物之性者物有近人 人異者幾希唯塞而不開故知不若人之明偏而不 禮記集說

是也故能盡人之性則能盡物之性同馬皆得者各 則所對可知矣天地之化育猶有所不及必人贊之 安其常則盡人之性也羣然皆生者各得其理則盡 也故能盡其性則能盡人之性萬物之性一人之 唯天下至誠為能盡其性千萬人之性一已之性是 建安游氏曰萬物皆備於我反身而誠樂莫大馬故 此之謂與天地參 而後備則天地非人不立故人與天地並立為三才

尺三豆 皆備於我反身而誠樂莫大馬知萬物皆備於我則 也贊化育冬天地皆其分內耳 又曰孟子曰萬物 延平楊氏曰性者萬物之一原也非夫體天徳者其 位乎其中矣 雖多及而求之於吾身可也故曰盡已之性則能 能盡之能盡其性則人物之性斯盡矣言有漸次 A data leading 禮記集說

物之性也至於盡物之性則和氣充塞故可以贊天

地之化育夫如是則天覆地載教化各任其職而成

金欠四月白世 盡人之性盡人之性則能盡物之性以已與人物性 幹施之力爾若舉賢任能使政事治而百姓和則天 無二故也 亂自有數而任之則何賴於聖賢哉子思所以言贊 地之氣和而復淳厚此天下所以有資於聖賢有賴 厚曰氣之所鍾便如此日有變化之道乎日在君 河東侯氏曰或問天下將亂何故賢者便生得不豐 於君相也子思曰贊天地之化育正謂是耳若曰治

就定日車至書 之無不當也替猶助也與天地參謂與天地並立為 形氣不同而有異耳能盡之者謂知之無不明而處 粗無毫髮之不盡也人物之性亦我之性但以所賦 故無人欲之私而天命之在我者察之由之巨細 聖人之德之實天下莫能加也盡其性者德無不實 新安朱氏曰此第二十二章言天道也天下至誠謂 三也此自誠而明者之事也 禮記集說 或問至誠盡性諸說

化育也書亦曰祈天永命如此而已

嘗不殊此自然之勢也盖人生天地之間禀天地之 者盖當竊論之天下之理未當不一而語其分則未 以至於命而曰只窮理便是至於命則亦若有可疑 豈有二物哉故凡天下之事雖若人之所為而其所 氣其體即天地之體其心即天地之心以 何曰程子以盡已之忠盡物之信為盡其性盖因 赞天地之化育而日不可以贊助言論窮理盡性 而極言之非正解此文之意今不得而録也其 理而言是

卷一

百三十三

其分言之則天之所為固非人之所及而人之所為 而無人欲之私則其所以代天而理物者乃以天地 理一之意多而及於分殊者少盖抑楊之勢不得 又有天地之所不及者其事固不同也但分殊之 之心而贊天地之化尤不見其有彼此之間也若以 人莫不知而理一之致多或未察故程子之言發 然亦不無小失其平矣唯其所謂止是一理而 禮記集說

以為之者莫非天地之所為也又況聖人純於義理

É 當 有 省也至於窮理至命盡人盡物之說則程張之論 身之意然於此論之則及求於身又有所不足言也 善而呂尤確實楊氏萬物皆備云者又前童格物 先後又不容於無别當如張子之言也呂游楊說皆 芡 人所為各自有分乃為全備而不偏而讀者亦莫之 U. ンノ 不同然亦以此而推之則其說初亦未當甚其也 如程子之論若以其事而言則其親疏近遠深沒 月至さ 理言之則精粗本末初無二致固不容有漸 卷一百三十三

· 大型可順 de delo 而功德参於天地哉易曰后以裁成天地之道輔相 皆盡仁義禮智之性如此則其道光被四表格於上 **涑水司馬氏曰人皆有仁義禮智之性惟聖人能以** 之有節萬物莫不遂其性豈非可以贊天地之化育 天地之宜以左右民此之謂也 下陰陽和風雨時鳥獸蕃滋草木暢茂取之有時用 至誠充之如能盡其性然後脩其道以教人使人人 禮記集說

骨失之矣

萬山晁氏曰人物之性與天地之化育皆吾性之 也物性之處就非後於人之性而得之者也 而言之也猶曰能盡其性則能盡人之性則能盡物 也天地之性不可見而見之於化育也然此非次第 廣安游氏曰盡猶極也言極乎其性之理而得其性 若彼者何也以其理相因非心知其意者莫之能喻 之正也盡者生於有者也孟子曰有諸己之謂信 性則能對天地之化育而與天地冬也其所言之

而得其正聖人能事畢矣非特巴也惟人亦然非 物 怒哀樂得其正而性之全體可得而盡矣盡性之理 相 之哉惟天下至誠為能以仁智勇治其心心治而喜 文又云不誠無物夫無得於中未有自信者也夫是 泪 也惟其有之故信其物之有是不誠不信則無是 惟至誠能有其信故能盡其性耳目鼻口與物 則不知夫性之所在不知夫性之所在何所盡 物亦然非特物也天地亦然已也人也物也 選儿妻名

長樂陳氏曰天下一性耳能盡已性則必能盡人之 物之理但所以盡者有次第也不先盡已之性於 性而物之性亦可自此推之故能盡人之性亦能盡 天地也其性之理則一而已 之中而無餘益也非天下至誠不能臻此 晏氏曰所謂盡性者充足其四端之善獨渦於 地之化育自然與天地參也 何有哉天地之化育不過及夫人物而已能贊天

侴

定匹庫全書

卷一百三十三

欴 定日華全書 性物萬物也萬物之性雖異於人然生育之道爱子 海陵胡氏曰性者五常之性聖人得天之全性衆 五常之教以教人使仁者盡其所以為仁義者盡其 制度定為禁令不使失其生育如賴祭魚然後漁人 之心至深至切與人不殊故聖人將盡物之性設為 則禀賦有厚薄聖人盡己之性以觀人之性然後施 人澤梁豺祭獸然後田獵交於萬物有道故物無不 以為義至於禮智信皆然則天下之人莫不盡其 禮記集院

得 髙要 極 人之性也一人之身物 均 其性物 其至即能盡一己之性矣一性之初聖人眾人所 化育為功聖人以生成為德可以 助天地之化育其功與天地參美矣 也然衆人後知後覺必待先知先覺者為之開 譚氏曰何謂至誠極實理之至云爾實在我已 後能復其初聖人既盡在我之性此所以能盡 院盡性則可以贊助天地化育之功天地 卷一百三十三 理皆備聖人既能盡人之性 輔 相天地之宜

亦天地所生天地生之聖人成之天地化育之道 在靈治於物魚躍此盡物之性也人者天地所生 匪爾 聖人而後備此則贊之義也人之為號本與天地 图不成若此所以能盡物之性也詩云立我烝民莫 故於天地不相似聖人盡已之性而進子對化育 唯其在已者有所未盡不能推之於人物無補造 推以及物故能使草木昆蟲皆遂其生鳥獸魚繁 極此盡人之性也詩云王在靈園應應攸伏王 禮記集說

育與天地祭乎曰聖人有德有位其道行乎天下聖 之功則是上下與天地同流此則參之義也或回聖 有一分之未盡後之如故全體全明所謂能盡如斯 其所固有也譬之日月而或蝕馬有一分之未復即 新定錢氏曰洞徹底蘊略無纖毫欠關非謂有加於 人有德無位其道明乎天下功用皆同無二事也 人在下道不得行盡已固可亦安能盡人盡物贊化 而已賢者覺其本性雖已明徹然未到知天命未到 四月百日

從心所欲不踰起之地猶是未可謂之能盡也必聖 生惡死一也是以聖人生之不傷使之各遂其性故 盡物之性何也曰物之性固不與人之性同然其 知其性何也孟子推原子思之義又本之於心也然 可以贊天地化育也此曰盡性孟子乃曰盡其心者 之性若萬物之性與人不同而曰能盡人之性則能 而後可也 倪氏曰或曰人之性一故盡已之性則能盡人 禮記集說

其次致曲曲能有誠誠則形形則著著則明明則動動 一變變則化唯天下至誠為能化 盡心而合於天理去其私心則可以盡性矣 也形謂人見其功也者形之大者也明者之顯者也 鄭氏曰其次謂自明誠者也致至也曲猶小小之事 動動人心也變改惡為善也變之久則化而性善也 孔氏曰此一經明賢人習學而致至誠 河南程氏曰其次致曲者學而後知之也而其成也

金

灾匹庫全書 |

卷一百三十三

直養然同歸于誠 又曰自明而誠雖多由致曲然 或義或孝或弟去氣偏處發是致曲去性上脩便是 莫病於自足莫罪於自棄學而不止此湯武所以聖 亦自有大體中便誠者雖亦是自明而誠謂之致曲 曰人自孩提里人之質已完只先於偏勝處發或仁 與生而知之者不異馬故君子莫大於學莫害於畫 ,明道 又曰致曲者就其曲而致之也伊川 又曰曲偏曲之謂非大道也就一事 禮記集兇

金 定四庫全書 | 節著見一曲致文則餘善無照明能無照則必將徒 變而未化化則更無舊跡自然之謂也莊子言變大 中用志不分亦能有誠如養由基射之類是也誠則 則著又著見也著則明是有光輝之時也明則動誠 動人也君子所過者化豈非動乎或曰變如物方 誠後便有物如冬前倚衛如有所立卓爾是也形 渠張氏曰致曲不貳則德有定體體象誠定則文 伊川 卷一百三十三

Ċ 曲 徳 藍田呂氏曰至誠者與天地參則無間矣致曲者人 義誠能徙義則德自通變能通其變則圓神無滞 足日草 之禀受存馬未能與天地相似者也人具有天地之 清 者也能 其偏如致力於所偏用心不二亦能 自當致乎中和然禀受之殊雖聖賢不能免乎 致力於所偏則 者偏於清和者偏於和皆以所偏謂之道不自 È dis W 即所偏而成德如伯夷致清為聖人之清 禮記其說 致曲者也用心不二則曲 即所偏而成 † 19 能 有

成章則無以加矣無以加則必能知類通達餘善無 照曲之果為曲也故曰著則明幾者動之微也知至 則 文蔚也大人虎變其文炳也有心乎動動而不息雖 至未有不動而從義者也故曰明則動君子豹變其 能至之則不可與幾矣故知至則舍其曲而趨 随其所就文節著明故曰形則著一曲之德致文 有小大之差然未有不變者也故曰動則變變者 下惠致和為聖人之和此誠則形者也德有定體 而

仌 色可 自 與至誠者同之故曰變則化惟天下至誠為能化 復之初復於故則一於理圖神無滞不知其所以然 臨言而必思不敢縱言也臨行而必擇不敢徑行也 Ē 建安游氏曰誠者不思不勉直心而徑行也其次則 及其久則愈者安然無憂不知所以為樂悟者沛 又曰變者如病始愈以愈為樂如迷始悟以悟為得 节口 9 5 求無 不 . <u>~</u> 知所以為得故能純一 din il 物我可對然後可以謂之化 禮記集說 不雜混混一 † 五 體無形

往 有 忠信立矣故曲能有誠有諸中必形諸外故誠 形於身心著於物故形則著誠至於著則內外洞 延平楊氏曰能盡其性者誠也其次致曲者誠之也 神之所為也非天下之至誠就能與於此 以易 回致曲曲折而反諸心也擬議之問鄙許不明而 猶 明 Ŀ 在躬 有迹也化則其迹很矣日用飲食而已至於化 AL THE 俗 故 故著則明明則有以動衆故明則動動 動則變變則革行以為清革暴以為良 卷一百三十三 则 則

大三日 巨人 点 學問思辨而寫行之致曲也用志不分故能有誠 新安朱氏曰此第二十三章言人道也其次通大賢 問思辨篇行之所及也故唯天下至誠為能化 動而不變也鳴鶴在陰其子和之非動乎曲能有誠 著著則輝光發於外故明明則誠矣未有誠而不動 於中形於外參前倚衛不可掩也故形形則有物 以下凡誠有未至者而言也致推致也曲一偏也形 在一曲也明則誠矣無物不誠也至於化則非學 禮記集就

者積中而發外著則又加顯美明則又有光輝發越 之盛也動者誠能動物變者物從而變化則有不知 見之偏而悉推致之以各造其極也曲無不致則德 其所以然者盖人之性無不同而氣則有異故唯聖 ,能率其性之全體而盡之其次則必自其善端 其至誠之妙亦不異於聖人矣 不實而形著動變之功自不能已積而至於能 同而氣禀或異自其性而言之則人自孩 卷一百三十三 或問致曲之

或弟而不能同矣自非各因其發見之偏一推之以 充其四端者是也程子之言大意如此但其所論 子全體而復其初即此章所謂致曲而孟子所以擴 至乎其極使其簿者厚而異者同則不能有以貫通 其次則善端所發隨其所稟之厚簿或仁或義或孝 舉其全體而無所不盡上章所言至誠盡性是也若 詳且以由基之射為說故有疑於專務推致其氣質 提聖人之質悉己完具以其氣言之則唯聖人為能

新定匹庫全書 專於內而遺其外也且夫進子內之節目亦安得如是 變化之說則亦無以易矣若張子之說以明為無照 參前倚衛所立卓爾之意則亦若以為已之所自見 之所偏厚而無隨事用力悉有衆善之意又以形為 言之失其指矣盖進德之序由中達外乃理之自然 動為從義發為通變化為無滯則皆以其進子內者 而無與於人也豈其記者之略而失之與至於明動 如上章之說亦自己而人自人而物各有次序不應

欽定四庫全書 | 新定顧氏曰上章言自誠而明之事此章言自明而 今故不能盡録然亦不可不辨也 别生無物不誠一節以就至誠動物之意尤不可晓 此其上下之意不相承續且於明動之間本文之外 曰化非學問為行所及則似以化為大而化之之 則 意耳楊氏既以輝光發外為明矣而又引明則誠矣 之繁促哉游氏說亦得之但說致曲二字不同非本 似以明為通明之明既以鶴鳴子和為動失而又 土

與天地参此章發或言其次致曲曲能有誠推其極 誠之事也自明而誠學者之事也較之自誠而明 子曰克已復禮為仁孟子曰湯武反之也皆致曲之 上章發端言唯天下至誠為能盡其性推其極至於 則為直致自學而反之則為致曲易曰反復其道 其次矣曲之為言與直對立至誠之道自性而 也曲能有誠即前章所謂及其知之一也及其成 一也唯天下至誠為能化推言化之本於至誠 推 则

ijŢ 定日車丘告 則無異也 然也至於誠則形以至變則化馴致其道而終於誠 夫前後二章發明功用若有不同而唯天下至誠 又安可以二觀哉 也欲示人以其所同則斷之曰唯天下至誠為能化 至於變則化子思子懼人以此二章所言為有優劣 山郭氏曰致曲者曲盡之也曲能有誠由力使之 則無不同夫苟均之曰唯天下至誠也則其功 禮記集乾 ナカ 用

者 處民曰自內以達外者誠之所以成已由淺以至深 者而為仁義中和之德者而為禮樂所謂者也非特 至深也君子之誠存於心者至矣及其發於外也有 自內以達外也明則動動則變變則化所謂由淺以 輕然見於面益於背施於四體所謂形也爱敬之道 不可掩馬形則形於身著則者於行明則明於天下 入於人者亦有其漸也誠則形形則著著則明所謂 誠之所以成物盖君子之道出乎身者固有其序

欴 定日車全書 之照臨光于四方顯于西土所謂誠則形形則著著 君子之成物如此庸非由浅以至深乎文王若日 之枯祭甲拆所謂變也如夏之長養成遂所謂化也 有以化成其德性如風之震蕩鼓舞所謂動也如春 其誠之已至於明則所積者厚矣及其推之以成物 知之鬼神其知之矣非特鬼神知之天其知之矣 則有以感動子衆心中則有以變易其舊習終則 謂明也君子之誠己如此庸非自內以達外乎唯 禮記集說 月

體 文王生知之聖人也自誠者也此之所言致曲之賢 犯非禮以至於猶惡無禮故序詩章亦言風以動之 為能化盖以曲能有誠者可與天下至誠者為一 明此可見矣由德廣所及以至於道化之行由無 也思誠者也由賢以至於聖自人而入於天盖亦 以化之所謂明則動動則變變則化此可見矣然 模而已矣故中庸言此必然之曰唯天下至 卷一百三十三

髙要譚氏日致曲之為言致其委曲以求本性之實 徳川流亦是致曲之意 理非直造徑達之謂也既非生而知之直造徑達容 謂委蛇致曲而入乎道也致如學以致其道之致小 曲道何當有偏偏則非道矣曲如揚雄所謂途雖曲 也如孔門或以愚或以勇或以魯或以達而入道 而通諸夏川雖曲而通諸海入道之門戶固應曲致 所

温陵陳氏曰或以曲為小善己非矣又以為偏曲之

孟子某名

大即此誠則形形則著著則明之說也大而化之之 成功一也孟子言可欲之謂善有諸己之謂信即此 過者化也語至誠極於能化則知其所謂存者有不 以異矣故曰曲能有誠能化云者言至誠之妙用所 得本性因而誠之使有諸已則亦與從初自誠者無 有所未能當隨才識萬下專心致志委曲以求之求 測之神矣賛化育與天地於皆不外是此所謂及其 四月生言 能有誠之說也充實之謂美充實而有光輝之謂 卷一百三十三

一 飲定四車全書 其本則盡已之性而已此聖人所以可學而至也其 建安真氏曰前章替化育参天地乃至誠之極功而 學問以復子內者曲也 嚴陵喻氏曰至誠之理自所性而達乎外者直也由 處而闢之此致曲之法也 則化之說也 謂聖聖而不可知之之謂神即此明則動動則發變 水康陳氏曰一室皆閣必有容明之所從其容明之 禮記集說 主

曲亦能有誠誠則形謂有諸内必形於外也形則者 之四勿曾子之三省皆致曲之事也 而 次致曲即學之事曲猶曲禮之曲盖聖人生知安行 晉陵錢氏曰曲謂行事之委曲若曲禮之類致力於 不待致曲自能盡性自大賢以下則必於纖微委曲 動人為不善者不能自安也動則變人從之也變則 得而見之也者則明其德昭明人不能掩也明則 用其功即前博學審問慎思明辨寫行之意顏子

卷一百三十三

次至日 · 白 · 善必先知之故至誠如神 有妖孽見乎着龜動乎四體禍福將至善必先知之不 至誠之道可以前知國家將與必有複祥國家將亡必 占後右 鄭氏曰可以前知者言天不欺至誠者也前亦先也 孔氏曰此言身有至誠可以豫知前事禎祥古之前 四體調龜之四足春占後左夏占前左秋占前右冬 化化民成俗不知其所以然也 禮記集說 Ŧ

傳云地反物為妖說文云衣服歌謡草木之怪為妖 嘉善慶祥妖孽謂凶惡之前兆妖傷也傷甚曰孽左 也善謂祥不善謂禍至誠之道豫知前事如神之微 有曰祥國本無鳳今有鳳来是也言國家之將與必 禽獸蟲蝗之怪為孽見乎著龜卦兆動乎龜之四體 兆本有今異曰禎國本有雀今赤雀来是也本無今 妙故云至誠如神 河南程氏曰人固可以前知然其理須是用則知不

灾 前知 達乎神明非特前知而已一本云至誠與天地同德 藍田呂氏曰誠一於理無所間雜則天地人物古今 至日華 全 後 既無方所被則我也先即後也未當分別隔礙自 如有弱馬無不前知盖有方所則有彼此先後之别 世融徹洞達一體而已與亡之兆猶心之有思慮 又不是野孙精也又曰蜀山人不起念十年便能 禮記集就 彭

用

則

不知知不如不知之愈盖用便近二所以釋子

與天地同德則其氣化運行與天地同流矣與亡之 威儀之則以定命者也 達神明而無間故曰至誠如神動乎四體如傳所謂 3E 建安游氏日至誠之道精一無間心合於氣氣合於 知況乎誠心之至求子著龜而著龜告察乎四體而 神無聲無臭而天地之間物莫得以過其形矣不既 禍福之来感於吾心動於吾氣如有弱馬無不前 體應所謂莫見乎隱莫顯子微者也此至誠所以 卷一百三十三

誠而已唯至誠為可以前知故不逆訴不億不信而 則善不善己形馬故曰如神而已 延平楊氏曰誠即神也上下與天地同流則兆乎天 身遠驗諸物大有以知國家之與亡小有以知一身 地之間者庸有不知乎以上言見乎著龜動乎四體 之禍福此人之所同見也故至誠如神如神云者因 人所言見之也 1. 1. 世己まえ 又曰君子

神矣乎此非人所能測也至於前知之實則近考諸

鱼灾匹库全書 常先覺也抑亦以是為賢乎若夫不逆不億而卒為 也知其所以然則國家之與亡其複样其妖孽換然 四時之代謝日月之晦明鬼神之吉凶皆至神之道 可以理得不可以跡水可以默識不可以言窮今夫 以知之如國家將與必有複祥國家將亡必有妖孽 河東侯氏曰至誠之道學者須是心明意得然後可 小人所欺馬斯亦不足觀也已 知之矣一人之心天地之心一人之為天地之為一

於定日車至書 其亦窮經之士董平日未當出庵伊川至其舍語甚 乎四體而四體動以知禍福善惡各以物至如高宗 動於中則達乎面目見乎四體況天地之廣大國家 物之理天地之理一身之氣天地之氣喜怒哀樂少 至誠如神神即誠也不可以行至疾速言之 之夢文王之上神降於號星入於秦皆其物也故曰 之盛衰其有不見乎故問之者龜而者龜動以應候 河南尹氏曰萬前有董五經隱者也伊川聞其名謂 禮記集就 芙

威儀之間如執王高卑其容俯仰之類凡此皆理之 非中庸所謂至誠之道可以前知乎尹子曰也不必 先見者也然唯誠之至極而無一毫私偽留於心目 兆妖孽者禍之前著所以筮龜所以上四體謂動作 如此說只是久靜自明 於伊川伊川田静則自明也祁寬問於尹子曰豈 安朱氏曰此第二十四章言天道也楨祥者福之 亦無大過人者但久不與物接心静自明也尹子 卷一百三十三 de

た <u>ج</u> 9 非以其不用而不知者為真可貴而賢於至誠之前 之間者乃能有以察其幾馬神謂鬼神 為妙哉程子用便近二之論盖因異教之說如蜀山 儒者之言也且心無形而氣有物若之何而反以是 之則者尤為確實游氏心合於氣氣合於神之云非 如神之說曰呂氏盖得之矣其論動乎四體為威儀 道可以前如先生曰無私偽則常虚明 董五經之徒亦有能前知者故就之而論其優劣 الما الما الما 禮記集統 或問至誠 問至誠之 故言禍則先於福而言不善則次於善也 延平周氏曰禎祥者將興之兆朕也妖孽者將亡之 北朕也見乎著龜驗之物也動乎四體驗之已也禍 知也至誠前知乃因其事理朕兆之己形而得之如 之將至福已伏之而其所以召福之善必先知之福 之煩意想測度之私也亦何害其為一哉 以將至禍亦倚之而其所以召禍之不善必先知之 謂不逆訴不億不信而常先覺者非有術數推驗 卷一百三十三

海陵胡氏曰此一節言至誠前知之事由身有至誠 紊亂雖未絕減至誠之人必知其將亡也又天必有 有複样之應若小人在位賢人在野政教廢死綱紀 皆仁義雖未大與至誠之人必知其將與也又天必 以逆知國家將興將亡之理若進賢退不肖其政教 而其性明性既明則可以豫知前事雖未的未兆可 妖孽之應此皆至誠前知默契天意者也着龜先知 之物聖人有先知之見如蓍龜之靈也人有四體四 Þ לו שווים ו 禮記集說

體之動必先知之聖人於複祥之兆亦先知之神者 陰陽不測之謂也 故不待興亡之已至而知之於禎祥妖孽之始不待 施氏曰一身之所有至理具馬一心之所存神明舍 之道也下章誠者自誠也而下言教者處處属實題 江陵項氏曰此一章言性者處處明白與天無間天 馬反身而誠則清明在躬猶日中天地容光必照矣 人無間人之道也

受用於誠者乎且居乎環堵之室更歷歲月之久户 得故曰人生而静天之性也今人終日於膠膠擾擾 前陽林氏曰人之精神當閒寂無人之所景物與閒 乎禍福之已形而知之於善不善之初非前知者其 能是子易曰知幾其神子 外之優皆能逆知其為某事以其心静故也以此觀 之地得少頃間静便覺快樂是其本性然也況終身 之處內外豁然是得其本性少頃思慮一起便坐不 建記集完

釤 定匹庫全書 故曰至誠之道可以前知複祥如大流為鳥鳳鳴朝 吉山禍福盡見於人之俯仰屈伸之際 著龜謂人有吉凶禍福之事盡見於著龜四體者謂 陽之類妖孽如三川之震夷羊在牧之類故可以前 之周公仲尼雖無天子之位然逆定之數可以前知 數為完湯者能為之先具爾烏能使之必無也見乎 知也如竟有九年之水湯有七年之早此皆逆定之 長樂陳氏曰清明在躬志氣如神皆您將至有開心 卷一百三十三

欠己ョ 無山郭氏回自君子觀之謂之知幾自衆人言之謂 先知則以誠造化轉移變易使禍為福妖孽為複祥 范陽張氏曰福將至則善念見禍將至則然念形既 將亡反為將與盖無難事也故曰至誠如神 之前知易日知幾其神乎 夢帝費子良弼果得傅說宣王有撥亂之志側身修 先天降時雨山川出雲至誠之道也商宗恭默思道 行上天祐之為生賢佐果得申南此其明驗數 ייםן לו קיוט 禮記集說 丰

高要譚氏日至誠之道可以前知自不學者言之事 其內凡天下事物有形有聲有臭有味有名有數與 何 中所有纔能存養不失其全便能至此無足疑也夫 吾耳目口鼻手足相接者莫不皆先覺知不特如此 其中虚明自然透徹物有動乎其外而吾必覺知於 也性之在人非稿木死灰兀然寂然不生不出而已 似渺茫近乎怪誕而不可信自為學者言之事皆性 压点 識得性與心之體即灼然見此事皆存養所致 卷一百三十三

たきう 虚端兆纔的無有不知者矣故曰至誠如神胡不觀 散性本虚静虚極則通静極則明正如持鑑當中一 知之時專精致一固守勿失使此一性之靈常存不 皆有覺知此乃一性之靈可以應無方之變者盖天 目口鼻手足之所未當及者一有感乎其中亦莫不 天地之間薄海內外凡實有是事實有是物雖吾耳 將動之時也夫是謂之心識得此理當其本心覺 像靡不畢見天下禍福善惡之事既實有而不 7. 1x 1 禮記集完

柯 在 王國 存養之力也感而遂通者前知之驗也此章重處全 諸易乎寂然不動感而遂通天下之故寂然不動者 國 至誠而前知之說特以明其效驗非如俗學專尚 珍瘁則周室将亡可知矣況假之於蓍龜動之於 必石言神降如婦有長舌維属之階人之云亡邦 山周氏曰複祥非必甘露醴泉如思皇多士生此 怪而不知理之所在也 月至主 維截降神生甫及申則周室將興可知矣妖孽 卷一百三十三

釒

灾

匹

飲定四車全書 盡人物之性則知之無一而不明處之無一而不當 誠則無不知矣 蔡氏曰此主誠者之用為言至誠前知是言聖人既 間居曰四方有敗必先知之福將至以善而知其福 穀共生之類養龜卜也四體以身喻國家之四方也 晉陵錢氏曰禎祥若麟鳳嘉禾之類妖孽若雉雖桑 將至以不善而知其禍盖此明一理人欲敬之至 禮記集說 圭

E

體禍福將至有顯然之理乎

君子誠之為貴誠者非自成己而已也所以成物也 者自成也而道自道也誠者物之終始不誠無物 新定顧氏回至誠之道極天下之清明清明天德也 廣漢張氏曰此謂神指造化之迹者故曰如謂至誠 不疾而速不行而至如造化之神也 惟東天德故能知天數故曰至誠之道可以前知至 則感應不窮也若如所謂所存者神則誠即神矣 如神鬼神之靈於事先知固也而至誠者實似之

卷一百三十三

之宜也 成已仁也成物知也性之德也合外內之道也故時措 k 2 能成就已身則仁道與立若能成就外物則知力廣 鄭氏曰物萬物也亦事也以至誠成已則仁道立以 須而合也外內猶上下時措言得其時而用也 至誠成物則知彌博此五性之所以為德也外內所 孔氏曰人有至誠則能與萬物為終始若無至誠 不能成其物誠者非但自成已身又能成就外物若 ž 禮記集說

事君則成人臣不誠無物誠者物之終始猶俗語徹 遠合外內之道者無問內外皆須至誠時措之宜措 猶用也得其時而用無往不宜也 日只著一箇私意便是該便是關了他浩然之氣處 知其鄉者人心也若無忠信豈復有物乎明道 者多矣人道只在忠信不誠則無物且出入無時莫 頭徹尾不誠更有甚物也伊川 河南程氏曰誠者自成如至誠事親則成人子至誠 THE IN THE 卷一百三十三 又曰聖人言忠信

成已之道成物便是知 然誠者在知道本而誠之耳 败 這 無以為君子脩學不以誠則學雜為事不以誠則事 得而況欲為君子者乎故曰學者不可以不誠 則是喪其德而增人之怨今小道異端亦必誠 自 杨 謀不以誠則是欺其心而自棄其志與人不). J. . 又曰學者不可以不誠不誠無以為善不誠 遭把集況 又曰古之學者為己其終 又曰成已須是仁 圭 あ

誠者物之終始不誠無物這裏闕了他則便這裏沒

道 日性之德者言性之所有如卦之德乃卦之韞也明 内外之道也語其大至天地之高厚語其小至一 諸身否曰不必如此說物我一理幾明彼即晓此合 随時之義若溥博淵泉而時出之伊川 之所以然學者皆當理會伊川 上達極高明而道中庸問觀物察已還因見物反求 又曰須是合內外之道一天人齊上下下學而 又曰時措之宜言

反匹庫在書 至於成物今之學者為物其終至於喪已伊川

卷一百三十三

欠己日直 来有以致之物之始也有所從亡有以喪之物之終 之别故與天地不相似若性命之德自合乎內外故 外人有是形而為形所旧故有內外生馬惟生內外 也皆無是理雖有物象接於耳目耳目猶不可信謂 藍田呂氏曰誠不為已則誠為外物道不自道則其 之非物可也天大無外造化發育皆在其間自無內 非己所自行誰與行乎實有是理乃有是物有所從 道虚行既曰成矣苟不自成就如何致力既曰道矣 L. A.S. 禮記集兒 幸五

是理故實有是心實有是心故實有是事是皆原始 實有是理故實有是物實有是物故實有是用實有 於此則吾道行矣故曰道自道也夫誠者實而已矣 者也吾信乎此則吾德實矣故曰誠者自成也吾用 故能時措之宜也 具仁與智無已無物誠一以貫之合天德而施化育 把酒浆則斗非斗矣種禾於此則禾之實可收也種 要終而言也箕不可以簸揚則箕非箕美斗不可以 一本云理義者人心之所同然 卷一百三十三

欴 定四車至書 誠之所以為貴也誠雖自成也道雖自道也非有我 見之成功苟不如是雖博聞多見舉歸於虚而已是 誠意乃能竭不倦之強力竭不倦之強力然後有可 物也故君子必明乎善知至則意誠矣既有惻怛之 麥於此則麥之實可收也如未當種而望其收雖美 之得私也與天下同之而已故思成已必思所以成 **拜且不可得况未麥乎所謂誠者物之終始不誠無** 所謂仁知之具也性之所固有合內外而無問者 禮記集說

此則成己為仁教不倦所以成物此則成物為知 有物我之異內外之別哉故具仁與智無已無物誠 也夫天大無外造化發育皆在其間自無內外之别 也夫盡性之德合內外之道以成己則仁之體也推 子貢曰學不厭知也教不倦仁也學不厭所以成己 以貫之合天德而施化育故能時措之宜也 人有是形而為形所結故有內外生馬內外一生則 自物己自己與天地不相似矣反乎性之德則安

卷一百三十三

建安游氏日誠者非有成之者自成而已其為道非 誠之道否曰須是體便見得 者有常之謂也物只是箇實存誠則有物問敬是存 妄則無物是不誠也不誠無物誠者物之終始終始 上蔡謝氏曰或問言有物而行有常如何是有物曰 子貢之言所以異也 致吾知教不倦所以廣吾爱自入德而言也此子思 世己まえ

是以成物則知之事也自成德而言也學不厭所以

定匹庫全書 性言之為誠以理言之為道其實一也 終始天行也誠則形形故有物不誠而著乎偽則有 有道之者自道而已自成自道猶言自本自根也以 青萬物一體也成已所以成物也成已仁也合天下! 廢馬尚何終始之有故以習則不察以行則不著以 延平楊氏曰誠自成道自道無所待而然也其為物 進德則不可久以脩業則不可大故君子唯誠之為 作輟故息息則無物矣猶四時之運已則成物之功 卷一百三十三

쉷

誠意至治國家天下八一理此中庸所謂合內外之 日知合乎內外之道則禹稷顏回之所同可見盖自 矣孔子曰子帥以正孰敢不正子思曰君子篤恭而 道也若內外之道不合則所守與所行自判而為二 有成物之知故知時措之宜也 又曰大學自正心 也知仁具性之德也有成己之仁故能合內外之道 之公言之也成物知也即成己之道而行其所無事 天下平孟子曰其身正而天下歸之皆明此也 禮記集說 乏

誠意正心推之至於可以平天下此內外之道所以 內外為二事知體而不知用故又曰誠者非自成己 以崇德此合內外之道也 平則知非意誠心正不能也茲乃禹稷顏回之所以 合也故觀其意誠心正則知天下由是而平觀天下 河東侯氏曰上言誠者自成道自道子思恐學者以 而已也所以成物也猶言能盡其性則能盡人之性 又曰精義入神乃所以致用利用安身乃所 卷一百 三十三

た E 道以理言用也天下之物皆實理之所為故必得是 矣故人之心一有不實則雖有所為亦如無有此誠 理然後有是物所得之理既盡則是物亦盡而無有 所以自成而道者人之所當自行也誠以心言本也 新安朱氏曰此第二十五章言人道也言誠者物之 能成物者不能成物則非能成己者也人物雖殊理 能盡人之性則能盡物之性者也豈有能成已而不 一也故曰成己仁也成物知也 the ty ten 禮記集記

唯 謂 **大田屋石門** 宜也然心先成己乃能成物此道之所以必自道 之所以為物之終始而不誠之所以無物也下文所 之遺意也誠者物之終始不誠無物之義亦唯程 者無偽則自然及物矣內外雖殊然皆性之德而 自成 誠者能之所以見於行事者以時措之而各得其 而然論之其說雖高然於此為無所當且又老莊 自成者盖如此故君子貴之誠雖所以成己然在 自道如程子說乃與下文相應游楊皆以無 百三十三

盆

P AND IN MALL ALI ALIAN I 息之妄故自古至今無一物之不實而一物之中自 意之所指而尋之則其義各得矣所謂誠者物之終 始至終皆實理之所為也以心言之則聖人之心亦 而言者如曰反諸身不誠之類是也讀者各隨其文 推言之盖誠之為言實而已矣然此篇之言有以理 始不誠無物者以理言之則天地之理至實而無一 之實而言者如曰誠不可揜之類是也有以心之實 禮記集說

之言為至當然其言大略故讀者或不能曉請得而

至實而無一息之妄故從生至死無一事之不實而 物之終始者然也尚未至於聖人而其本心之實者 間所為皆實而三月之後未免於無實盖不違之終 其事亦無以異於無有矣如曰三月不達則三月之 以至未相接續之前凡所云為皆無實之可言雖有 斷之前所為無不實者及其間斷則自其間斷之後 猶未免於問斷則自其實有是心之初以至未有問 事之中自始至終皆實心之所為也此所謂誠者

實而去此之後未免於無實盖至馬之終始即其物 之實乃有是物之實未有無其心之實而能有其物 理方有是物未有無其理而徒有不實之物者也在 之實者也程子所謂徹頭徹尾者盖如此其餘諸說 在天者本無不實之理故凡物之生於理者必有是 人者或有不實之心故凡物之出於心者必有是心 之終始也是則所謂不誠無物者然也以是言之則 始即其事之終始也日月至馬則至此之時所為皆 里巴表光

大抵皆知誠之在天為實理而不知其在人為實心 成德入德之殊而已也楊氏說物之終始直以天行 是以為說太高而往往至於交互差錯以失經文之 無字之可訓其亦誤矣召氏所論子貢子思所言之 本意正猶知爱之不足以盡仁而凡言仁者遂至於 定 二字為解盖本於易終則有始天行也之說假借依 言主於行故各就其所重而有實主之分亦不但為 異亦善而猶有未盡者盖子貢之言主於知子思之 匹库全書 卷一百三十三

たモョ 海陵胡氏日學其所未能行其所未至思其所未得 後無之意而又直以天無不實之理喻夫人有不實 之心其取譬也亦不親切矣彼四時之運夫豈有時 無也其曰猶四時之運已則成物之功發盖亦報而 而已者哉 有物盖不待形而有不誠之無物亦不待其報而後 託無所發明楊氏之言盖多此類最說經之大病也 又謂誠則形而有物不誠則輟而無物亦未安誠之 met de data 禮記集就 里

行 是所以自成於已也脩其道以自引導其自小賢至 萬山晁氏曰誠與道一體而二名也其所以率性則 若其不誠則皆無之譬如鳥獸草木之類若刻畫而 凍水司馬氏曰凡物自始至終誠實有之乃能為物 於大賢自大賢至於聖人是自道達其身也合內外 之道者外則成於物內則成於己皆本至誠相合而 也皆無待於外者也

時也盖當其成已則不可以不知其成物之時當其 成物合而言之所以為內外之道也然措之必宜其 成或夢中暫睹豈其物邪況於仁義禮智但以聲音 於已故曰性之德也仁由於內以成己知由於外以 周乎萬物所以為知也仁與知同出於德性而有得 馬氏曰夫成已者自爱之至所以為仁也成物者知 化成天下皆會於仁義禮智信故曰合內外之道 笑貌為之豈得為仁義禮智哉內則盡已之性外則 遭记俱死

成物則不可以不知其成己之時措之宜也 吳興沈氏曰誠與道同出而異名也誠者非有所 者也誠者性也性之為體舉天地人物所從始所從 道者也性之為誠道天理之自然也容有一毫加損 而成也自然而成者也道非有所假而道也自然而 終也仰觀於天則日月星辰風雲雷電雨露霜雪亦 於其間哉雖曰有所成有所道皆不知所以然而 也俯察於地山川河海草木丘陵亦物也遠取

主

贞

四月五言

卷一百三十三

밙 誠之為體如是惟見性者能知之然誠之為體固 者皆出入消長於一性之中不曰物之終始可乎此 物 きョ 在人加損也而人不可以不有誠馬人而不誠 婦 曲而至於形著明動變化者誠之者也故君子 地人物之有乎盡性而至於盡天地之性者誠 耳 則鳥獸魚鼈跂行喙息亦物也近取諸身則鼻目 朋 車全書 友亦物也在人理則仁義禮智信亦物也是數 百體四肢亦物也在人倫則君臣父子兄弟夫 禮記集說 型四 則 不

成 范陽張氏曰有始無終有終無始皆非誠也成己即 故曰性之德也語其在已則謂之內語其在物則 之為貴唯君子之誠而天地人物從而有立則誠之 之外揆之以誠則已與人物天地皆一體也無彼已 為道豈特自成己而已抑所以成物也成已謂之仁 物 天地之理皆曲成而不遺隨所措而無不宜矣 間也是合外內之道也誠至於合內外則已與人 謂之智指仁智之定體也誠者性也仁知德也

盖終始不渝然後可以言誠不誠則無物何以使人 晉陵喻氏曰君子之於誠自成而已其於道自道而 自人而觀之己者內也物者外也自誠而觀之已與 楊朱之為我也止知成物不知成己墨翟之無爱也 是成物以已與物同一源也使止知成己而不成物 己非由外鑠我也我固有之也生子由是死子由是 而化與夫動天地感鬼神哉是故君子誠之為貴 體而已合外內而無所擇者此誠也 盡已甚完

쉷 則君子之志也人皆以成物為仁君子則曰成己者 也君子豈自成己而已哉使天下之民匹夫匹婦莫 定匹庫全書 身其何以成哉必意誠而後心正心正而後身修身 物之知舜所以為大知也與當是時視人如我視我 修而後家齊家齊而後國治國治而後天下平此成 仁也成物者知也使吾之誠未至則未能正心而修 如人天地即我我即天地所謂合內外之道也故時 被其澤百穀草木莫不蕃無鳥獸魚鼈無不成若

次至日事 全書 誠道矣 高要譚氏曰誠自成也道自道也盖明為已之學也 使人能反身而誠則是誠也豈非自成也人能率此 天命之性已所固有誠者實此者也實有諸已故曰 以行之則是道也豈非自道乎使自外而為之則非 則曰道其實一理也是理也本與生俱生非由外樂 措之宜也聖人之能事畢矣 川王氏曰以實於已者言之則為誠以誠而行之 禮記集說 罢

外求故言其自成則命之曰誠言其自道則命之曰 物之所起處也物之終謂物之極盡處也指誠為物 自成道者行此者也力行由已故曰自道自云者言 物也盖實有是理方有是物不誠則無是理故無是 之所由起與物之所由盡則是誠則有物不誠則無 道要皆自己性命之理無二致也凡天下之物誠之 有不誠則無故物之終始全繫於誠也物之始謂 他求皆自己分內事也誠與道皆己所固有非由

盡體諸己非知則不能推用於物故也仁知具足體 故謂之仁成物者其用周故謂之知盖非仁則無以 用無備此誠所以為性之德合內外之道也性之德 既足以成已推此施之亦足以成物成已者其體全 言貴子實有諸已也一人之身萬物皆備及身而誠 虚無中矣所謂不誠無物者如此故君子誠之為貴 有爣不能反身而誠實有諸已則固有之性亦墮於 物也凡可名言者皆物也只如天命之性雖已所固 J. J. W 避记集名 1

金 道言實理之無體用也具仁與知即此道也其為德 言實理之可據者也成已成物即此德也合內外之 為道也如是故舉措唯時咸適其宜也夫誠之體為 信者有此故仁知道德與時措之宜皆以誠為本亦 **5四月白さ** 猶孟子言仁義禮知之端而不及信明人之有是四 曰道凡欲識仁知道德之所以名觀此即見之矣夫 天理一也仁者體此知者知此禮者履此義者宜此 仁誠之用為知誠之實理可據曰德誠之實理可知 卷一百三十三

言德故以其可由而謂之道仁不止於成已而以成 已為主故孔子之教不倦亦謂之仁知不止於成物 也故以其自得而謂之德內可以言道而外不可以 延平周氏口必於性言德於外內言道者盖性在我 弟夫子之忠恕子思之言中庸孟子之言仁義皆一 出於誠而已所謂一以貫之其在是數

端無不以信為本也此章雖不言義與禮如所謂時

措之宜則義與禮在其中矣即此論之則免舜之孝

灾心日 met do elin

禮記集說

祭氏曰此主誠之者之用為言誠者是言天之道誠 雲川倪氏曰萬物皆備於我矣反身而誠樂莫大馬 然成道亦自然道乃天道生物不測之機也故曰物 而以成物為主故孔子之學不厭亦謂之知 致曲盡誠之之道則其誠也非特成己所以成物也 不誠無物者豈有此樂哉 之終始不誠則不能有物是故君子誠之為貴苟能 之為貴是言人之道 又曰誠者生知安行成固自

卷一百三十三

誠矣故誠乃自成而其道乃自道也非有假於外也 時措皆宜於誠者天道之誠無間矣 波濤由水而生者也誠本質也物由誠而出者也波 新定顧氏曰誠之於物猶水之於波濤也水本質也 我固有之也 新定錢氏曰孟子云哭死而哀非為生者也誠者已 學而至此則物我一源仁知两盡性德合乎外内而 分當然之事豈為人而誠哉有一毫為人之心即非 世記しまる

物之終則歸於誠此物之所以始於誠而終於誠也 則曰成己仁也成物知也總而言之則曰性之德也 德也合內外之道也外成物也內成已也分而言之 物皆此誠之運用流行仁知特強名爾其實則性之 謂之仁成物知也知物之當成謂之知要之成已成 有物故曰不誠無物其曰成己仁也體是道於已 日誠者物之終始以物之由誠而出也非誠其何 由水而生及波濤之泯則歸於水物由誠而出及 卷一百三十三


金


灾四库全意

欴 定四車全書 陽者皆物事亦物也物之始生不應一頓便突出来 于大通不復為鬼答曰不然鬼神亦物也凡麗於陰 無時而不用之也故時措之絕句宜也又自是一句 成仁之名由是得馬莫聚於物賴誠而成知之名由 合內外之道也合者無總之意夫莫切於已賴誠 有問物始生於誠終復歸於誠如此則人死後歸 得馬一性之德於是乎在內外之道於是乎合則 也者夫豈可以斯須發是以宜於時措時措云者 禮記集說 五十

如 應 其化生之序氣感成象體具成形凡幾節奏死後不 謂於天地之妙也一誠而已矣惟天下至誠章內 明表氏曰替化育參天地說者以為盡性之功 ·替化育之事也天地不出吾性分之内非别 不知盡天命之性則化育己行乎其中非 何耳此却智慮所不能及人之所知固有限 記集說卷一百三十三 便減亦有幾許發化但未知為鬼神後其存減又 别 有 有 耳 所 用 所

卷一百三十三







楼録舉人日胡門蓉校對官編修日許兆椿覆校官編修日項家達